

Uunga siunnersuut: Nioqqutissanik eqqusuinermi akitsuutit pillugit Inatsisartut inatsisaata allangortinneqarnera**Inatsisartutlov om ændring af landstingslov om indførselsafgifter**

(Aningaasaqarnermut Aatsitassanillu Naalakkersuisoq)

Akissuteqaat

(Aningaasaqarnermut Aatsitassanillu Naalakkersuisoq)

Aappassaaneerneqarnera

Inatsisissatut siunnersuut suliarineqarnerani Aningaasaqarnermut Akileraartarnermullu Ataatsimiititalip suliaanut Naalakkersuisut sinnerlugit qujavunga.

Ataatsimiititaliami amerlanerussuteqartut inatsisissatut siunnersuut taperseraat Naalakkersuisut tusaatissatut tiguaat.

Ataatsimiititaliami ikinnerussuteqartut isornartorsiorpaat, imissamut akitsuut imissamut nunatsinneersumut atuunnersoq aalajangerneqarsimannginnera. Imissaq nunatsinneersoq nunani allani maqiterneqareeraangami nunatsinnut eqqunneqaqqittapoq. Tassunga atatillugu siunnersuummut atatillugu tusarniaanermut akissutit innersuussutigineqarput, KNI-p tamannarpiaq pillugu apeqqutaannut Naalakkersuisut akissuteqareerput. Maluginiarneqassaaq imissaq nunatsinnut eqqunneqartut akitsuuserneqassammata. Tamanna nunatsinneersumut imissamut nunani allani maqiterneqarsimasumut aamma atuuppoq.

Ikinnerussuteqartut isornartorsiuutaat Naalakkersuisut tusaatissatut tiguaat, ataatsimiititaliallu innersuussutaat malinniarpaat. Ataatsimiititaliamit innersuussutigineqarpoq, Naalakkersuisut siunissami inatsisissatut siunnersuut kingumut atuuttussanngorlugu siunnersuuteqannginnerminni nalilersueqqissaassasut, Naalakkersuisullu ataatsimiititaliap innersuussutaat malinniarpaat.

Taamatut oqaaseqarlunu Naalakkersuisut sinnerlugit siunnersuut Inatsisartunut suliarisassanngortippara.